

SONA REPLY 27TH FEBRUARY 2024

MERSI MR. SPEAKER,

BONJOUR MR. SPEAKER, KOLEG MNA, E BONJOUR TOU BANN DIMOUNN KI PE EKOUT NOU.

SEMENN PASE, ZEDI LE 22 FEVRIYE MSYE RAMKALAWAN DAN SON KAPASITE KONMAN PREZIDAN LAREPIBLIK SESEL TI DELIVRE SON KATRIYENM DISKOUR LO LETA NOU NASYON E SWIVAN SA MONN EKOUT REAKSYON SA MENM NASYON LO SA DISKOUR KI PREZIDAN IN FER.

MR SPEAKER I ENPORTAN POU ETABLI KI EN DISKOUR LO LETA LA NASYON I SA LOKAZYON KOT PREZIDAN PEI DAN SA KA MSYE RAMKALAWAN I ETAL PLAN SON GOUVERNMAN, ADRES BANN SIZE KI PE AFEKTE NOU NASYON PREZANT SOLISYON POU BANN PROBLENM KI NOU NASYON PE RANKONTRE E PROPOZ BANN WAY FORWARD SI OU OULE DONN NOU NASYON EN SANS DIREKSYON LO KOTE LI EK SON GOUVERNMAN I OULE ANMENN NOU.

REAKSYON LAMAZORITE SESELWA I KI MALEREZMAN MSYE RAMKALAWAN PANN SEZI SA LOPORTINITE. BOKOU I SANTI KI MALGRE KI SA MSYE IN KOZ POU PLIS KI DEZERDTAN I PANN KAPAB LO LETA NOU NASYON E ADRES BANN SIZE KI PE PREOKIP NOU NASYON OZORDI.

I ANNAN DIMOUNN KIN DEMANDE SI PREZIDAN TIN MENM PREPAR LI POU SA DISKOUR ESKI I TIN KOZ AVEK SON BANN SEF DAN GOUVERNMAN. SERTEN DIMOUNN IN MENM FER REMARK KI PREZIDAN TI BEZWEN DEMANN SPEAKER SON LALIS PROTOKOL E MENM BLIYE POU GREET SON PEP.

SA DISKOUR I PLI MOVE LADRES LO LETA NOU NASYON KI EN PREZIDAN IN DEZA FER DEVAN NOU LASANBLE. SESELWA DAN SON GRAN MAZORITE I KONVENKI KI I ANNAN EN O NIVO LENKONPETANS A LATET NOU PEI KIN ANMENN AVEK LI EN LINEFIKASITE ANVLOPE DAN EN KILTIR KOZ MANSONZ POU SEY ANBET NOU PEP.

E LEGZANP I LA DEVAN NOU POU ILISTRE SA, LER PREZIDAN I TAP SON LESTOMA E DIR I DONN LORD KI OKENN PYE DIBWA PA POU GANNY KOUPE BEAU-VALLON, KOZ MIRAK POPILASYON KI TIN REAKTE, DAN NOUVEL MENM SWAR RAPORTAZ I MONTRE KIMANYER PLIZYER PYE DIBWA IN GANNY KOUPE BEAU-VALLON. SA I ANBARASAN.

PAREY SON LABITID IN DEMANDE KI SA COVERAGE DAN NOUVEL I GANNY TIRE. TRO TAR SESELWA IN FINI WAR E BANN VIDEO IN KONMANS SIRKILE. SON LANNMEN IN AL VIZIT BEAU-VALLON POU FER DAMAGE CONTROL KEKFWA I TI KWAR SA BANN PYE DIBWA TI AVA REPOUSE.

EN LOT LEGZANP SE LER IN DIR BANN FERMYE KI SITIASYON MANZE ZANIMO IN REZOURD ME LAMAZORITE BANN FERMYE IN ENFORM NOU KI ZIS AVAN SONA LAVANT MANZE ZANNIMO I LO HOLD ZISKA NOUVO LORD E PRI SA BANN MANZE IN MONTE. OLI SON SANS RESPONSABILITE POU VIN KOZ LAVERITE AVEK SA PEP. I TI PROMET KI PRODIKSYON LOKAL POU MONTE POU VIN 50 % LER I TI PRAN PEI TI 17% OZORDI I MENM PLI BA KI SA.

SE SA PROBLENM AVEK NOU PEI NOU ANNAN A LATET NOU PEI EN DIMOUNN KI DEMONTRE EN LANVI PATOLOZIK POU MISLEAD E KOZ LALANG AVEK NOU PEP. LI E SON GOUVERNMAN I ENKONPETAN E INEFIKAS. SON KARAKTER SE KONTROL TOU KEKSOZ.

E LER KEKSOZ PA DAN SON FAVER IN MALTRETE E ENTIMID BANN KI OZE KESTYONN LI. PETET SE SA REZON DAN EN CABINET MINIS FULL HOUSE PERSONN PAN OZE DIR LI KI TI PE VREMAN PASE BEAU-VALLON. OUBYEN I ZIS PA ENTERESE , LI KI LA E LEPEP POU VOT POU LI PE ENPORT KI I DIR OUBYEN I FER. SA SE LAROGANS POUVWAR DAN TOU SON SPLANDER.

ME MR SPEAKER SESELWA I EN NASYON ENTELIZAN E PREZIDAN I BEZWEN KONPRAN KI DAN EN DISKOUR LO LETA NOU NASYON OU PA ZIS VIN DIR NENPORT KWA.

I A FER PLIS KI 30 AN KI SA MSYE I ANVI VIN OPOUVWAR, IN DIR MET LI E I A MONTRE NOU KI MANYER I KAPAB TRAVAY. ESKI SE SANMENM SA TRAVAY?

TRAVAY MR SPEAKER E LER OU A LA OTER KONFYANS KI PEP IN MET DAN OU. UNITED SEYCHELLES I KONVENKI KI NOU ANNAN SA KAPASITE POU DIRIZ SESEL DAN EN MEYER FASON E ADRES BANN SIZE PERTINAN. EN PREZIDAN UNITED SEYCHELLES DAN SA LETAP KI NOU PEI PAS LADAN POU ASIRE KI I VERIFYE BANN STATEMENT KI I FER DEVAN LEPEP. EN PREZIDAN UNITED SEYCHELLES POU DONN NOU NASYON EN VRE SANS DIREKSYON.

NOU KOZ DAN SA FASON MR SPEAKER AKOZ PAR RESPE KI NOU ANNAN POU SA PEP NOU PA LA POU ZIS KRITIK PREZIDAN RAMKALAWAN. OKONTRER NOU OSI LA POU MONTRE KI NOU NASYON I DEVRET FER KONFYANS UNITED SEYCHELLES POU FORM PROSEN GOUVERNMAN. DAN NOU REPONS SONA NOU POU SISTEMATIKMAN MONTRE NOU NASYON KIMANYER MSYE RAMKALAWAN PE FAIL POU ELEV NIVO GOUVERNANS DAN NOU PEI. IN FER TRO BOKOU PROMES E I PA KAPAB GARDE.

NOU DIR KI I INAKSEPTAB KI MSYE RAMKALAWAN PAN VERIFYE BANN STATEMENT KI IN FER PRENAN KONT TOU SA RESOURS KI LETA A SON DISPOZISYON. I PA PE MONTRE NOU KI I PARE POU ONOR BANN PAROL KI I PRONONSE E I ZIS KONPLENT, BLANMEN, MISLEAD E SEY FER NOU KWAR TOU KEKSOZ I OK, KI LI I PE FER EN BON TRAVAY E KI PROBLENM I AVEK TOU LEZOT DIMOUNN.

SI I ANNAN PROBLENM DAN SON LADMINISTRASYON SA MSYE I DEVRET GET DAN LAGLAS.

NOU TI AVA EKSPEKTE KI APRE 26 MEETING PIBLIK PRENAN KONT TOU SA PROBLENM KI NOU TOU NOUN WAR BANN DIMOUNN SOULEVE PREZIDAN TI AVA VIN FER EN LOT DISKOU PLI REEL. MALEREZMAN PAREY NOU TI DIR AVEK LEPEP SESELWA ZOT BANN PWEN ZOT BANN KONSERN DAN SA BANN MEETING POU FINI LANMENM.

PETET TOU KEKSOZ POU LI I OK, AKOZ LI I TRAVEL FIRST CLASS, MANZ CAVIAR E BWAR CHAMPAIGN. LI I GANNY TOU SA KI LI I BEZWEN ME POU LAMAZORITE SESELWA, BANN TRAVAYER IOT KIN VIR AN RON AKOZ ZOT 13 ENM MWAN, BANN CLEANERS ANSYEN CLEANERS COOPERATIVE KIN GANNY KOUPE ZOT SALER, BANN ZABITAN CASCADE, PETIT PARIS PARSON ESTATE BANN BIZNESSMAN PROVIDENCE AN EFE POU LAMAZORITE SESELWA TOU KEKSOZ PA OK.

VRE LETA NOU NASYON OZORDI I KI PRI LAVI PE PET PLAFON, SEKTER BIZNESS I LO PAUSE, BANN FERMYE I FISTRE, SESELWA I PER POU AL KOT DOKTER GOUVERNMAN KOT ZISKA DRA NAPA, LARANTRE LEKOL IN NAPA MEB DAN LEKOL, PROBLENM SEWAGE, LARZAN KONTRA KI GANNY PEYE TAR ETC.

NOUN ARIV EN STAZ KOT SAK FWA LAPLI I TONM EN PE FOR DEZAS PARTOU, DRMD ANBA LADMINISTRASYON LDS IN VIN INEFIKAS, NOU SITAN DAN MAL KI POU DEAL EK PROBLENM DELO MONTE POINTE LARUE TRAFIK I BEZWEN GANNY DIVERT LO RUNWAY. ZANMEN NOU NASYON IN DEZA WITNESS SA KALITE KEKSOZ.

KI MANYER TOU KEKSOZ I KAPAB OK.

OZORDI SE SA REALITE NOU PEI MR SPEAKER, E SEL DIMOUNN KI PA WAR SA SE MSYE RAMKALWAN LIMENM. A SA PWEN MON FER KLER KI MON PA POU VIN KASYET DERYER POLITICAL CORRECTNESS, MON PA KAPAB VIN DIPLOMATIK LER NOU ANNAN EN PREZIDAN KI KONMANS MENAS SITWAYEN SI ZOT MET SON GOUVERNMAN ANKOUR DIR NOU NOU PA INI.

SA I INAKSEPTAB. SA SE EN LESPRI DIKTATER. PAR KONT LI IN ANMENN PLIZYER CASE KONT GOUVERNMAN DAN LEPASE E IN MENM GANNY PEYE DOMAZ. LI IN FER PROTESTASYON LER I PANN KONTAN SERTEN KEKSOZ, I TI FER GAPPY OUT AKOZ DAPRE LI MSYE GAPPY I GANNY KONTROLE PAR GOUVERNMAN, I TI FER ONEZIME OUT AKOZ DAPRE LI SA MSYE TI PE GANNY KONTROLE PAR GOUVERNMAN. OZORDI LI I KONTROL ELECTORAL COMMISSION NAPA PROBLENM, OZORDI I OULE KONTROL SBC NAPA PROBLENM, I MENM KONTROL LASANBLE NASYONAL, LAPOLIS ZIDISYER. VWALA LETA NOU NASYON EN LETA KI PE GANNY DIRIZE PAR EN DIMOUNN KI OULE KONTROL TOU KEKSOZ E KASYET LAVERITE KAN I PA DAN SON FAVER.

I ENTERFER DAN TRAVAY LAFORS DEFANS E LAPOLIS MENM KAN PA NESESER E SA PE SERYEZMAN AFEKTE LEFIKASITE E MORAL NOU BANN FANM EK ZONM DAN LINIFORM.

SA BANN STATEMENT KI PREZIDAN IN FER I RELYE AN GRAN PARTI AVEK LEKSPLOZYON CCCL KOT I KONNEN BANN ZABITAN E BANN BIZNESSMAN PROVIDENCE POU TRE BYENTO MET LI EK SON GOUVERNMAN ANKOUR. LEFE KI I PAN OULE FER EN LANKET PIBLIK E ENDEPANDAN I KLER POU BANN KI KONPRAN SIKOLOZI MSYE RAMKALAWAN I ANNAN KEKSOZ KI I OULE KASYET.

LER I DIR KI LASIRANS IN FINI PEYE ANKOR ENN FWA I PA DIR LAVERITE AKOZ I ANNAN DE LAKONPANYEN LASIRANS MUA E ALLIANCE KI PE ESPER RAPOR LANKET AVAN PEYE. PMC IN ARANZ BANN LAKAZ GOUVERNMAN, LAMAZORITE LAKAZ PRIVE I ANKOR PAREY E BANN ZABITAN PE FER ZOT DEBROUY LO ZOT MENM.

LER NOU TANN LI DIR ZOT IN ASISTE TOU DIMOUNN SAN GET KOULER POLITIK I PA KOREK NOU DAN US NOUN VIZIT PLIZYER LAKOUR KI LOTORITE IN DEFINI ZOT KONMAN BANN SI PORTER LOPOZISYON.

ALORS LER I VIN DEVAN LASANBLE POU DIR DIMOUNN PA MET GOUVERNMAN ANKOUR I OULE ANKOR ENN FWA ENTIMID NOU POPILASYON. SI LI LARZAN TAX PAYERS TI KAPAB PEY LI DOMAZ AKOZ SA PA KAPAB APLIK POU LEZOT DIMOUNN.

UNITED SEYCHELLES I OULE FER BYEN KLER I DRWA SITWAYEN POU ROD REKOUR DEVAN LAZISTIS I FONDAMANTAL DAN EN SOSYETE DEMOKRATIK. E UNITED SEYCHELLES POU DEFANN LENTERE OKENN SESELWA KI OULE MET GOUVERNMAN ANKOUR SON BANN LESEY POU MANIPIL LAZISTIS DAN NOU PEI POU KONTINYEN GANNY DENONSE.

I VREMAN MALERE MR SPEAKER LER NOU VWAR TOUSALA PE ARIVE ME ELECTIONS HAVE CONCEQUENCES. ME DAPRE MSYE RAMKALAWAN SA ZEDI NOU KOZ KOUMSA NOU PA OULE LINITE. KESTYON SE ESKI LI I ANNAN LOTORITE MORAL POU KOZ EK NOU LO LINITE.

SI I ANNAN EN DIMOUNN KI ANNMENN PLIS DIVIZYON DAN SA PEI SE MSYE RAMKALAWAN LIMENM. SON LASWAF POUVWAR IN FER KI IN DIVIZ NOU PEP E PE KONTINYEN DIVIZ NOU.

LIMENM KI OZORDI PE PINI DIMOUNN AKOZ ZOT PA SI PORT LI OUBYEN KRITIK SON GOUVERNMAN. SI PETET I ANNAN SERTEN KI SANTI MON PE ZIS KRITIKE FOR THE SAKE OF KRITIKE ANNOU JUDGE HIM BY HIS ACTIONS. (EN PAZ DAN LIV)

1. VERONIQUE ADELINE TI GANNY ARETE E MET DAN KASO POU SWADIZAN INCITEMENT. EN LORD KI TI SORTI KOT PREZIDAN LIMENM. MADANM ADELINE TIN MET EN POST LO FACEBOOK. CID TI VIN ARET SA MADANM KOT LI, FOUY KOT LI, TROMATIZ LI E APRE MET SA MADANM DAN KASO TAKAMAKA. KI MANYER OU KAPAB FER EN MANMAN DORMI DAN KASO TAKAMAKA, MWAN MON TI AL WAR LI. APRE SA KIN ARIVE OKENN SARZ PANN GANNY METE KONT LI. ESKI OU EKSPEKTE MADANM ADELINE E SON FANMIY INI AVEK LI.
2. I ANNAN DE MADANM KIN TRAVAY SH PLIZYER LANNEN SAN OKENN PROBLENM LO ZOT RIKORD TRAVAY. LO OU LORD MSYE PREZIDAN SA DE MADANM TI GANNY MET DEOR. DE MANMAN, I TROUV ZOT SAN EN LANPLWA, ESKI OU TI MAZINEN KI MANYER SA DE MANMAN TI POU SONNY ZOT ZANFAN? EN LADAN I ANNAN 3 ZANFAN KI PE DEPANN LO LI. ESKI OU EKSPEKTE SA DE MADANM INI AVEK OU? ESKI OU EKSPEKTE ZOT ZANFAN INI AVEK OU?
3. MSYE ANDREW PADAYACHY IN RESAMAN GANNY ARETE E MET DAN KASO POU EN SARZ KI MON KWAR KI ZIS OU KI KONPRAN. AVEK LI MSYE RABAT OSI I GANNY ARETE. MSYE RABAT TIN KOZ KONT OU GOUVERNMAN RESAMAN. MSYE PADAYACHY SON FRER I ENN BANN DIRIZAN SNAP. ESKI OU EKSPEKTE SA DE MSYE ANNAN LINITE AVEK OU LER OUN TRENN ZOT REPITASYON DAN LABOU?
4. DR PATRICK HERMINIE I GANNY AKIZE POU FER KOUDETA ATRAVER GRIGRI KONT OU. OU VIN FOUY DAN SON BIRO MAISON DU PEUPLE. OUN FER EN SPEKTAK NASYONAL AVEK REPITASYON SA MSYE, EN PAPA. LI E LEZOT AKIZE I GANNY 59 SARZ GANNY METE KONT ZOT. LO OU LORD. DAN OU KONVANSYON OUN MENM DIR KI ANNAN LEVIDANS IN PEY 4000 DOLAR. BANN DIPLOMAT ETRANZE I MENM GANNY BRIEF

PAR OU GOUVERNMAN LO OU LORD KI SA MSYE TI PE KASYET LEKOR DAN MAISON DU PEUPLE. E SA LANNEN KI NOUN WAR TOU LE 59 SARZ KONT SA BANN AKIZE SELSEWA I GANNY ZETE. ANTRETAN OUN FER EN FANMIR, ZANMI E KOLEG PAS ATRAVER EN TOURMAN ZIS AKOZ SA MSYE PE PREZANT SON LEKOR KONMAN EN KANDIDA UNITED SEYCHELLES DAN PROSEN ELEKSYON. ESKI SE SA FASON OU ANMENN LINITE?

5. OU FINI OU DISKOUR DAN LASANBLE. LE FINISYON OU KRIY PA POU ZANMEN LES TONBE. PREMYE FWA DAN EN LADRES SONA NOU WAR SA. KONPLETMAN UNPARLIAMENTARY. ESKI SA I APEL LINITE?

LETA NOU NASYON I PA KI SESELWA PA OULE ANNAN LINITE ME I SEKI LI PAR LI PAR SON AKSYON MSYE RAMKALAWAN I KONTRIBYE POU DETRI LINITE PARMY NOU PEI.

SA SANMDI KIN PASE, MR SPEAKER MON TI LES MAMELLES E DE ZENN GARSON AZE 18 AN TI RAKONT MWAN KIMANYER SA TIM IBOU TI AGRES ZOT KOUP ZOT SAK, ZOT SAVAT E PRAN ZOT LARZAN E PERSONN KOT LAPOLIS PA KONNEN KIN ARIVE. LER OU TIM IBOU I HARASS E MENAS DIMOUNN KIMANYER SA POU FOSTER LINITE.

SITAN SA MSYE IN ZWE AVEK FABRIK MORAL E RESPE DAN NOU SOSYETE I LE SEL PREZIDAN KIN ARIVE FER PAVIYON NOU PEI VIN EN SENBOL DIVIZYON. OU MENM WAR PAVINYON LO LAKAZ LISYEN DAN PYE DIBWA. TOU DESIRE. MR. SPEAKER I ANNAN EN REZON AKOZ I ANNAN EN PROTOKOL LO KIMANYER NOU PAVINYON I GANNY TRETE ME OZORDI OU WAR BANN PAVINYON NASYONAL DESIRE PARTOU. KIMANYER ZENERASYON FITIR POU RESPE NOU PAVINYON?

SE SA BANN DESIZYON KI FER NOU NASYON PA INI. SI NAPA LINITE REGARD LI DAN LAGLAS E I AVA A WAR LEKEL KI RESPONSAB.

MON BANN FRER EK SER LETA NOU NASYON I PA ENN KI NOU DEVRET PRAN A LA LEZER E MALEREZMAN SE SA KI NOU PREZIDAN IN FER DEVAN NOU. I REFIZE ADRES BANN SIZE SERYE KI PE ENPAKTE LO NOU AKOZ SON TRACK RECORD E ABILITE POU DEAL AVEK I AT BEST MEDYOK. ALORS I PLITO KONPLENT E BLANM NOU KONMSI NOU KI LAKOZ SA KI PE AL MAL DAN NOU PEI. SELI KI DEVRET PRAN RESPONSABLITE POU FAILURE SON GOUVERNMAN E ADRES BANN PROBLENM KI PERTINAN, KI ENPORTAN POU NOU NASYON.

LEKZANP PLI KLER DEVAN NOU SE PRI LAVI. MSYE RAMKALWAN TI PROMET POU FER DESANN PRI LAVI. MINIS HASAN TI DIR SA I TI ZIS EN LENVANSYON EN LOT MOT POU EN LANVANSYON SET EN MANSOZ. NOU OULE MET SERTEN FE DEVAN SA LASANBLE AKOZ NOU DAN US NOU PA FER LENVANSYON LER NOU KOZ LO PRI LAVI, AN 2019 LE 20 ZILYET PLI PRESIZEMAN MSYE RAMKALAWAN TI DIR KI LI I ANNAN SOLISYON POU FER STC FER DESANN PRI KOMODITE PAR 30%. SON PAROL EZAKT I KI ONORAB HENRIE TIN DEMONTRE ATRAVER EN MOSYON KIMANYER LDS POU FER SA. ESKI SA PEP KI PE EKOUT MWAN OZORDI BOMATEN IN VWAR PRI KOMODITE DESANN KOT STC PAR 30%?

EN BWAT DILE IN MONTE, EN KILO PONMDETER

LAREALITE I KI SESEL IN VIN PLI SER DEPI KI MSYE RAMKALAWAN I OPOUWAR E POU BOKOU FANMIR SA SITIASYON IN VIN ENSIORTAB. SI US PA TI KONTINYELMAN MET PRESYON POU KI NOU ANNAN SIPOR SOSYAL POU BANN FANMIR KI MALGRE ZOT TRAVAY ZOT DAN DIFIKILTE GOUVERNMAN LDS TIN FINI ABANDONN ZOT. EN GRAN NONM SESELWA, KI SWA TEACHERS, NURSE, SOLDA POLISYE PE KONPLENT PRI LAVI.

LAREALITE AN 2024 PRI KOMODITE IN MONTE PAR PLIS KI 30%. KAN ESKI SA MSYE POU ARET ESEY ANBET SA PEP?

APRE TOU SA KRITK KI US TI PE FER LARZAN LO LEDO MALERE AVEK STC NOU KONEN KI DEPI 2020 STC I ANNAN EN DEZORD KOT STC E 2025 US POU FER EN LODIT DETAYE LO LA. ZOT IN ANONS PROFI PLIS KI 60 MILYON ME SELMAN MALERE PE SOUFER. CEO IN DEMISYONNEN NOU PA NI KONNEN POU KI REZON E LA TOU DERYENMAN I PARET KI SERTEN LAFERM KI ANNAN KONEKSYON DIREK AVEK MANM BORD PE VANN LAVYANN AVEK STC. ZAFER PA BON, ZAFER IN SAL.

PETET SA TI AVA EN KEKSZOZ POU KOMISYON ANTIKORIPSYON GET LADAN. ZISKA LANNEN PASE ZOT IN DEPANS 200 MILYON ROUPI AVEK AVOKA E LA TOU DERNYERMAN MENM AVEK SERTEN MERSENER ETRANZE KI TI PE SWADIZAN VIN ANPES KOUDETA.

MR SPEAKER SESELWA TI EKSPEKTE PREZIDAN KOZ LO PRI LAVI DAN EN FASON KONKRET E DONN NOU SON PLAN POU ADRES SITIASYON AKTYEL E SOULAZ BANN FANMIR SESELWA. IT'S THE BARE MINIMUM KI NOU EKSPEKTE AVEK LI.

I DEVRET REALIZE KI LAMAZORITE FANMIR SELEWA PE GANNY DIFIKILTE POU FER DE BOUT ZWENN. LER LI I PE ROD EN GRO LOGMANTASYON 240 MIL ROUPI LAMAZORITE SESELWA PANN WAR OKENN SANZMAN APRE SA LOGMANTASYON 10% KI IN DONNEN.

BANN CARTEL DAN RETAIL E APRE TOU SA KANKAN LO ESPACE OZORDI ENN BANN PLI GRAN RETAILER I OWN ESPACE E ENN SON PLI GRO KLIYAN SE GOUVERNMAN LIMENM. KI NOU KAPAB KONPRAN.

LENPAKT KI PRI LAVI PE ANNAN LO DIFERAN KOUS NOU POPILASYON I TERIB. BANN DIMOUNN AZE I PARMY BANN KI PE SOUFER PLIS. DAN EN VIZIT ANLER BAIE LAZARE MONN RANKONTRE EN MADANM KI RESTE KI DEPANS PLIS KI 1500 SR ZIS DAN PIRAT POU ANMENN LI KOT DOKTER, POU ROD SON GAS POU ANMENN SON PWASON, POU LI AL LABOUTIK KI MANYER I KAPAB VIV AN DIGNITE SI SA KOU LAVI I RESTE SITAN ELEVE. SE SA BANN SIZE KI DEVRET GANNY ADRESE DAN EN LADRES SONA.

OLYE VIN KONPLENT SESELWA PA INI, OUBYEN PA KONN ROL GOUVERNMAN OUBYEN PA DEVRET POURSWIV GOUVERNMAN.

AN EFE SI SA BOUG TI VREMAN KONPRAN ROL SON PROP GOUVERNMAN I TI A KONNEN KI I ROL SON GOUVERNMAN POU REGARD DAN SEKIRITE SOSYAL KI NOU BANN VYEYAR PE GANNYEN E I ROL SON GOUVERNMAN POU FER MONTE SA SEKIRITE SOSYAL PAR RAPOR A PRI LAVI DAN NOU PEI OZORDI. PAREY SON LABITID 2020 IN FER PROMES KI I NAPA OKENN LENTANSYON GARDE. NOU DONN EN LANGAZMAN KI EN GOUVERNMAN US 2025 POU FER MONTE SEKIRITE SOSYAL POU REFLEKTE KOU LAVI DAN SA PEI.

EN GOUVERNMAN RESPONSAB I BEZWEN ZWE SON ROL POU REPONN A BEZWEN LEPEP. I PA LA POU BLANM LEPEP LER I KONPLENT OUBYEN FISTRE. SI EN MANMAN PE KONPLENT I NAPA LARZAN POU ASTE SAK POU SON ZANFAN AL LEKOL OU KI DAN POZISYON OU PA LA POU ZIZ LI, SI EN CARER PE KONPLENT SON TREZYENM MWAN OU PA LA POU MALTRET LI, LER BANN ZENN KI OULE PRAN LOAN EK LABANK POU FER ZOT LAKAZ I KONPLENT KOU KONSTRIKSYON ARET PRAN LAKOLER, SI EN DIMOUNN TI GANNY AFEKTE AVEK DEZAS E PE ROD SERTEN REKOUR AVEK GOUVERNMAN SEY ROD FASON ED LI ARET KONPLENT OU PEP PA KONPRAN ROL GOUVERNMAN I OU LAFOT SI ZOT PE KONPLENT SE OU DANN OU BANN MEETING PIBLIK KI GOUVERNMAN I KAPAB FER TOU KEKSOZ.

MANYER ZOT TI DIR VIN WAR MWAN EN PTI KOU APRE MEETING.

I OU RESPONSABILITE MSYE RAMKALAWAN POU FER OU GOUVERNMAN REPONN A BEZWEN, ADRES ZOT KOSERN EKOUT ZOPT KONPLENT. ME I PARET OU GOUVERNMAN IN BLIYE KI SON ROL OU VIN SANSIB LER SESELWA I KONPLENT ALORS OU OSI OU KONPLENT. DEK KONMAN SITWAYEN I KESTYONN OU GOUVERNMAN EKSPRIM ZOT LEKOR DESWIT PREZIDAN I SOT ANLER.

GOUVERNMAN MSYE RAMKALAWAN IN PRAN EN TANDANS PRAN BANN POZISYON KONTROVERS LO LASENN ENTERNASYONAL SAN MENM ENFORM POPILASYON E APRE KASYET LENFORMASYON LER LEPEP I KESTYONN LI.

PRAN SA LEKZANP KOT SESEL AL FORM PAR EN LALYANS ENTERNASYONAL POU LAGER KONT HOUTHY DAN LANMER ROUZ. NI LI, NI SON BANN MINIS PA TI VIN DEVAN POU EKSPLIKE. SON PEP, SON NASYON I TANN SA LO CNNN. BE KI SI SA ANKOR. SA KI PLI TRAKASAN SE LER MEDYA NASYONAL I ROD LEKSPLIKASYON OU MINIS POU ZAFER ENTERN I DIR I PA KONNEN DEMANN MINIS POU ZAFER ETRANZER E OU MINIS POU ZAFER ETRANZER I DIR LI I PA KONNEN DEMANN OU MINIS POU ZAFER ENTERN. ME SA PA TOU OU SEF DETA OU DIR EK ZOURNALIS PA DEMANN OU KESTYON LO LA. BE POU KI ZOT PE PRAN NOU.

LA RESAMAN ZOT IN FER ANKOR PAREY. SESEL IN AL SINY PROTOKOL WHO LO BANN PANDEMIC. PLIZYER DIMOUNN IN EKSPRIM ZOT KONSERN LO SA SIZE. MINIS POU LASANTE BYEN KONTAN POU GANNY LARZAN ME SELMAN NI KOURTWAZI POU EKSPLIK SESELWA KWA KI LO SA PROTOKOL. BANN KI KONSERNEN IN MENM ANVOY MESAZ POU MSYE RAMKALAWAN. SA MSYE I FER EN SPEECH LO LETA NOU NASYON E I PA MANSYONN SA DITOU. I KOZ LO EN PAKE KEKSOZ ME I CONVENIENTLY OMIT SA. POU MWAN PREZIDAN RAMKALAWAN IS A SELL OUT. NOU DRWA KONSTITISYONEL I AN ZWE E SA DIMOUNN KIN SWEAR POU PROTREZ NOU KONSTITISYON I ABANDONN NOU. IN GOUT POUVWAR E PREZAN I PE ANVOY NOU TOU...MERD. SESELWA POU REMIND LI 2025 KI I POU TOULTAN BEZWEN NOU. KONTAN PA KONTAN 2025 SWA I POU PRAN MON PLAS DAN LASANBLE SWA I POU RETIRE.

NOU DONN LANGAZMAN KI UNITED SEYCHELLES POU FER LI EN PRIYORITE POU MET PRESYON E SA MINIS POU VIN DEVAN SA LASANBLE POU EKSPLIK NOU NASYON KI PE PASE. SITAN PROBVLENM DAN SON MINISTER AKOZ I PA DEAL AVEK SA BANN PROBLEM OLYE AL ROD ANKOR POU MET LO NOU. E NOU SWETE KI OU MR SPEAKER PA AVA ROD FASON POU BLOKE. SA SIZE I SERYE POU NOU PEP, PARMIL EZOT ARID IN FER SORTI EN KOMINIKE LO LA. PLIZYER DIMOUNN IN TELEFONN NOU LO LA. FOTESPERE NOU PA AVA TANN MSYE RAMKALAWAN DENIGRE ARID PAREY I TI DENIGRE BANN AKTIVIS LANVIRONNMAN. KI MANYER OU TI APEL ZOT?

DAN EN LOT DEVLOPMAN RESAN ANKOR I PARET SESEL PE NEPLI TRANSFER SORTI LARISI. NOU PE DEPAN LO TOURIS RIS E SOUDENNMAN NOU PE BLOK ZOT AKSE AVEK KREDI?

I ROL OU GOUVERNMAN POU DEFANN LENTERE OU PEP E REPONN A ZOT LAPEL, PRAN LEKZANP ANN DIMOUNN KI PE LEVE DEBROUYE KIN KONTAKTE OU LOFIS ZOT PE DIR OU REVWAR SA 500SR ANPLIS KI ZOT PEYE LO AIRPORT. SA MEZIR PE TOUY SA BANN PTI DIMOUNN ME SA OSI OU PANN ENTERESE POU KOZ LO LA. LAVERITE I KI NOU PTI SESELWA NEPLI MATTER POU OU GOUVERNMAN ZOT TOU ZOT BUSY PE TRAVEL, PE DIVERTI KONTAN E GOUVERNMAN I OZORDI FER PLEZIR ETRANZE SWA BANN KI ANNAN LARZAN. TRE BYENTO UNITED SEYCHELLES POU EKSPLOZ SA BANN DEMAGOZI. LADAN NOU POU KOZ LO LILE LONGUE E OSI FER SIR KI POU ANMENN SIZE SA 500 SR DEVAN LASANBLE E NOU SWETE OU PA AVA ENTERFER POU BLOKE.

WI DAN NOU PEI OZORDI SA PTI SESELWA ORDINER NAPA MENM DRWA KI BANN GRO MSYE OUBYEN ETRANZE, E SON LETA PA SITAN ENPORTAN. REGARD SA PROZE SEMEN WEST COAST. UNITED SEYCHELLES I KONNEN KI MINIS IN ENTERFER E BANN PROPRIYETER CHEVAL BLANC PA PE DONN WAY LEAVE, ZIS REGARD KIMANYER SA SEMEN IN KONTOURN PROPRIYETE SA BANN GRO MSYE. SELMAN BANN EZOT SITWAYEN ORDINER PE GANNY FORSE E MENM GANNY DIR PA EKSPEKTE REKOUR KONPANSASYON POU WAY LEAVE.

ANKOR ENN FWA ESKI PA I ROL OU GOUVERNMAN POU ASIRE KI TOU DIMOUNN I GANNY TRETE EKITABLEMAN, PETET APRE OU REAKSYON EN PE MEKONTAN LO GRAN RAPORTAZ SBC KOT OUN DIR NOU ZEDI CHEVAL BLANC PA ANVI EN LANMAR POURI OBOR ZOT PROPRIYETE KONMSI SA ZOURNALIS I RESPONSAB POU ENVANT LAVERITE I DEMONTRE KI OU KWAR ROL OU GOUVERNMAN SE POU FER PLEZIR BANN GRO MSYE. LEFE KI SE OU E OU VIS PREZIDAN KI VIN EKSPLIK PROZE KI BANN ENVESTISER ETRANZE PE FER I MONTRE NOU KOTE OU LWAYOTE I ETE.

DAN US NOU PA DAKOR EK SA BANN STATEMENT KI LEPEP PA KONNEN KI ROL GOUVERNMAN. NOU KWAR SEL DIMOUNN KI PA KONPRAN ROL GOUVERNMAN SE PREZIDAN LIMENM. AN EFE NOU SITAN DAN MAL KI BANN PS EK BANN SEF DAN GOUVERNMAN LDS IN BEZWEN AL FER LEADERSHIP TRAINING ABHU DABI.

MENM CHIEF SECRETARY PSB MADANM MOHIDEEN NAL FER TRAINING I PARET. OULE DIR MWAN NOUN ARIVE EN STAZ KOT EN PS I BEZWEN AL FER LEADERSHIP TRAINING ZOT TOU ANSANM AN EFE BE DIR NOU E SA MON DEMANN LO LAPAR EN GRAN NONM RETURNING GRADUATES AVAN PREZIDAN TI APWENT ZOT I PA TI GETE SI ZOT ANNAN LEADERSHIP EXPERIENCE OUBYEN SA I APLIK ZIS POU BANN GRADUATES KI FORM PAR ZOT BANN KLIK. SA WA DIR MWAN.

EN ZENN GRADUATE KIN APPLY POU EN POZISYON DAN GOUVERNMAN RESAMAN I DIR MWAN I BEZWEN RIYE. SESEL PE MARS A LANVER E SA AKOZ NOU ANNAN POOR LEADERSHIP AT THE VERY TOP. NOU NOU KWAR SEL DIMOUNN KI DEVRET PE FER LEADERSHIP COURSE SE PREZIDAN LIMENM.

NOU PE SEY KONPRAN KI PE ARIVE MENM APRE 6 MWAN IN BEZWEN AL FER RETREAT LO SILHOUETTES POU RESARZ BATRI, PA NI MENM 5 AN ZOT BEZWEN AL FER LEADERSHIP TRAINING, LEKEL KIN PEYE? KI ZOT IN APRANN? SELMAN PLIS KI 30 SA MSYE IN ANVI VIN OPOUVWAR. NOU TI AVA EKSPEKTE KI OU TIN PARE POU LEAD.

EN GOUVERNMAN US PA TI POU BEZWEN AL FER LEADERSHIP TRAINING POU KONNEN KI ROL EN GOUVERNMAN. AN 2025 EN GOUVERNMAN US POU ASIRE KI LER IN DONN EN COMMITMENT POU PEY EN TREZYENM MWAN TRAVAYER SESELWSA KOT IOT POU FER TOU LE NESESER POU ASIRE KI SA BANN TRAVAYER PA GANNY DEFAVORIZE KONPARE EK ZOT FRER EK SER KI PA TRAVAY DAN SITZ. MR SPEAKER EN MADANM EN MANMAN 4 ZANFAN TI CALL MWAN AN PLERAN I RENTE POU GANNY 12000 ROUPI SON TREZYENNM MWAN IN ZIS 4000. ANTRETAN PREZIDAN PE TRAIN ABU DABI. UNITED SEYCHELLES POU TRE BYENTO ANMENN EN MOSYON POU FER GOUVERNMAN RETIR SA SI KIN FER FRENMEN CLEANERS COOPERATIVE.

EN GOUVERNMAN US PA TI POU BEZWEN LEADERSHIP TRAINING POU FER SIR KI LER OU FERM CLEANERS COOPERATIVE LAPEY BANN CLEANERS ZOT BANN DUES PA SANZE. NOU TI WARN ZOT DAN SA LASANBLE, SA POU ARIVE E PSB IN FAIL SA BANN CLEANERS. EN MADANM MONT-BUXTON KI TRAVAY LOPITAL I DIR MWAN LARANTRE LEKOL IN BEZWEN AL ROD PRETE LARZAN EK SON SER AKOZ SON LAPEY IN DESANN IN PERDI PRES 2000. ELEKTRIK IN MONTE, DELO IN MONTE PRI LAVI I SER. ANTRETAN PREZIDAN LDS PE FER LEADERSHIP TRAINING ABUDABI.

MR SPEAKER ROL EN GOUVERNMAN SE DELIVRE E LEPEP I ANAN TOU DRWA KESTYONN LI E DIR LI DELIVRE, LEPEP I ANAN TOU DRWA VIN ROD REKOUR KOT LI. MALEREZMAN LETA NOU NASYON I KI NOU ANNAN EN GOUVERNMAN KI PA PE DELIVRE E SA KI RESPONSAB SE PREZIDAN LIMENM. I ANNAN TRO BOKOU LENTERFERANS DAN TRAVAY BANN ANTITE GOUVERNMAN E SA PE AFEKTE LEFIKASITE BANN TEKNISYEN E PROFESYONEL. SE SA LETA NOU NASYON I PA KI LEPEP PA KONPRAN ROL GOUVERNMAN, SE GOUVERNMAN KI PA KONPRAN SON ROL, E PLI GRO PROBLENM LADAN SE PREZIDAN LAREPIBLIK LIMENM. MON FELISIT NOU BANN SESLEWA KI PE TRAVAY DIR DAN GOUVERNMAN E MON DIR ZOT KI 2025 PA LWEN.

I FER LAPENN MR SPEAKER NOU PE VIV DAN EN SESEL KOT LENTERFERANS PA PE TRANSMET DAN BANN DESIZYON TRANSPARAN ME PLITO BANN DIREKTIV POU FER PLEZIR DALON EK ZANMI. KORIPSYON I PLI PIR KI AVAN AKOZ NAPA FASON POU KONNEN SI BANN SEF PE KASYET ZOT BANN BYEN LO ZOT MADANM OUBYEN ZOT ZANFAN. FODRE PA BLIYE SE GOUVERNMAN LDS KI TI ANMENN SA KONMAN ENN BANN PREMYE LAMANNMAN DAN LALWA. 2025 UNITED SEYCHELLES POU REPEAL SA LAMANNMAN E TOU FANM, ZANFAN BANN POLITISYEN KI ANNAN POZISYON KLE DAN GOUVERNMAN POU OSI BEZWEN DEKLAR ZOT ASSET.

LAREALITE NOU PEI I SEKI BOKOU DIMOUNN I VREMAN DEZAPWENTE PA ZIS AVEK SA DISKOUR KI PREZIDAN IN FER LIMENM ME OSI AVEK SON GOUVERNMAN. NAPA ASE LANFAZ KI GANNY METE LO LEDIKASYON E LO NOU SISTENM LASANTE. UNITED SEYCHELLES I KWAR KI EN PEP KI EDIKE E AN BONN SANTE I LAKLE POU SIKSE E DEVLOPMAN NOU SOSYETE.

OZORDI NOU SISTENM LEDIKASYON PE GRAYELMAN REGRESE. BANN ANSENYAN PA SANTI KI LAPEL PREZIDAN POU KI POPILASYON I ANMENN PLIS RESPE I ASE. REZILTA LO NIVO SEGONDER PAN AMELYORE PAREY MINIS TI PROMET. MANKMAN TEACHERS I KONTINYEN AFEKTE NOU BANN LEKOL.

BOKOU TEACHERS, I DEMORALIZE E KONMAN EN ANSYEN TEACHER BOKOU MON BANN KOLEG IN APROS MWAN E DEMANDE KI US I MET PRESYON KI GOUVERNMAN I REVWAR SON POZISYON LO SA SIZE LONG SERVICE ALLOWANCE.

EN ANSENYAN KIN DAN LANSENYMAN PLIS KI 25 AN IN DIR NOU KI I PA KONPRAN KIMANYER PREZIDAN PE DAMANN LEPEP POU TRET BANN ANSENYAN PLI BYEN KAN LI KONMAN SEF GOUVERNMAN I ANNAN POUVWAR POU SANZ EN KANTITE KEKSOZ. ENN BANN TEACHERS KI TI PE TRAVAY AVEK BANN ZANFAN TVET I DIR NOU POU RODE KI ALTERNATIV REEL GOUVERNMAN E MINIS POU LEDIKASYON

PE ANMENEN POU TVET E AKOZ GOUVERNMAN IN FER ABOUT TURN LO SA SIZE VOCATIONAL SCHOOL.

MR SPEAKER OU A RAPEL OU TI REFIZE LES ANSYEN ONORAB HERMINIE KESTYONN MINIS LO SA SIZE. PETET SA TI AVA EDE POU KI NOU NASYON LA DEOR I GANNY LENFORMASYON. EN GOUVERNMAN UNITED SEYCHELLES POU ANMENN EN REAZISTEMAN MAZER DAN NOU SISTENM LEDIKASYON AVEK BI ASIRE KI NOU ELEV STANDAR DAN LEDIKASYON.

PAREYMAN NOU SISTENM LASANTE PE DETERYORE E LENSIDAN RESAN KOT SIS PTI BABA IN MOR I DEMONTRE SA MALEZ KI EGZISTE DAN MINISTER LASANTE. YER NOUN KAPAB KONSTAT SITIASYON KOT SOPD KOT DIMOUNN IN MET LANINY ZISKA DAN SEMEN. PLIZYER DIMOUNN PE KONPLENT ME ZEDI KI NOUN TANDE TOU KEKSOZ I OK.

EN MADANM AZE 70 AN I DIR MWAN KI LI I PA KAPAB DEBOUT DAN LAPLI E IN ESPER DE MWAN AVAN SON LAPWENTMAN. ESKI SA I NORMAL?

BOKOU DIMOUNN IN PER POU AL KOT BANNN KLINIK GOUVERNMAN E MENM LOPITAL, RESAMAN EN MSYE IN RAKONT KIMANYER APRE EN LENSIDAN KOT IN GANNY EN BLESIR DAN SON LANMEN IN AL PANSE IN MENM WAR DOKTER. EN SEMENN PLI TAR SI I PA TI AL KOT EN KLINIK PRIVE E PEY PLIZYER MIL ROUPI SON LANMEN TI POUN KANGRENNEN E I TI KAPAB PERDI SON LEDWA.

SA BANN LENSIDAN PE VIN TRO FREKAN E LAKOZ SA SE MOVE ZESYON A LATET MINISTER LASANTE.

PLAN SPESYALIZASYON POU BANN DOKTER PE PRESKI PA FONSKYONNEN E TRAVAYER LASANTE PE TRAVAY AVEK EN O NIVO FISTRASYON AKOZ ZOT SANTI SISTENM PA PE EKOUT ZOT. LEKIPMAN I MANKE, DRA NAPA E LATIZANN PA ASE, MANK LANBILANS. EN MSYE IN RAKONT NOU KI MANYER IN CALL LANBILANS DEPI 10 ER BOMATEN E MIDI LANBILANS PA TI ANKOR ARIVE.

PROBLEM I BOKOU ME SOLISYON I TRO PTI GIT E SE SA BANN SIZE KI PREZIDAN TI DEVRET ADRESE. 2025 UNITED SEYCHELLES POU ANMENN EN PLAN MODERNIZASYON NOU SISTENM LASANTE ENKLI EN PROGRAMM SALER POU BANN DIFERAN KAD DAN LASANTE. NOU ANNAN BANN DIMOUNN TRE KONPETAN DAN LASANTE NOU PROBLEM I AVEK LEADERSHIP NOU PEI.

SA KALITE KONVERSAYON KI NOU PE FER I NESESER AKOZ FODRE KONMAN EN NASYON NOU PA PER HOLD SA GOUVERNMAN ACCOUNTABLE LO SON BANN PROMES. IN FAIL TRUNC E LA NOU ANKOR PE ESPER DIVERSIFIKASYON EKONOMIK KI MSYE RAMKALAWAN TI PROMET. LENVESTISMAN WATER FRONT NOU PA KONNEN KI PE ARIVE APRE TOU SA DEMAGOZI E LA NOU PE ESPER SON PROZE LAVANIY KONMANSE. KABRI NOU PANKOR WAR AKOZ BANN PENNS GRAND ANSE PE TONM AN RINN.

ALORS LER I DIR NOU LEKONOMI IN FER EN SIRPLIS NOU OULE KONNEN BAZE LO KWA LOAN 35 MILYON, GRANTS E DONASYON OUBYEN LINEFIKASITE KONPLET PROZE GOUVERNMAN. AN EFE TOU LEZAN DEPI 2020 MSYE RAMKALAWAN PE AL FER PROZE PARTOU. LA FINALMAN I VIN TAP NOU AVEK EN NOUVO KART, PIERRE FONDASYON. LA I PE MET FOUNDATION STONE EN PE PARTOU, ZOT KONNEN DAN LIVE LEKEL IN TIR SA ENN PAZ???

ME SELMAN MR SPEAKER KI SANS I FER OU PE KOZ LO SIRPLIS ME SELMAN SEKTER PRIVE PA PE WAR OKENN LAGRANDISMAN E LAPANOUISMAN. LANNEN PASE OU GOUVERNMAN TI FAIL POU ANMAS REVENI DAPRE PROZEKSYON TAX KI ZOT TIN MET DAN BIDZE. ALORS KOTE SA SIRPLIS I SORTI? ANKOR ENN FWA PATHOLOGICAL NEED TO LIE TO THE PEOPLE.

UNITED SEYCHELLES I MENTENIR KI SE SEKTER PRIVE KI MOTER NOU LEKONOMI, ME I PARET KI GOUVERNMAN LDS PE FER TOU POU PRAN MAKSIMUM EK NOU BANN, BUSINESS, ANTREPRENER SOLE TRADER, PTI BUSINESS SAN MET AN PLAS MEZIR POU ZOT KONTINYEN GRANDI E ENVESTIR.

E LER PREZIDAN I DIR KI PLIS TOURIS IN ANTRE DAN PEI BANN OPERATER GUEST HOUSE, LOTEL E LEZOT LETABLISMAN I DEMANN LI OLI RETONBE SA PLIS TOURIS. PETET PREZIDAN IN OSI KONT PRES 50 TRIP IN FER ZISKA LA ELANTRANZE DAN SA LOGMANTASYON TOURIS KI I PE DIR NOU.

UNITED SEYCHELLES PA TI PARFE LO DEAL AVEK SEKTER PRIVE, E SERT NOUN ANNAN BANN DEFAYANS ME NOUN WAR KOTE SA BANN MANKMAN TI ETE. I KOMIK SA, GOUVERNMAN OZORDI PE FER TOU KEKSOZ PAREY NOU TI FER, SA MENM KEKSOZ KI POPILASYON TI VOTE POU SANZE. ZIS EN DIMOUNN FOU KI POU FER KEKSOZ PAREY E EKSPEKTE EN DIFERAN REZILTA. NOU PEI I DAN PROBLEM.

LAPROS GOUVERNMAN LDS SE MET TAX PARTOU, FEES PARTOU KOT MENM POU RETOURN LO PRASLIN OUBYEN LA DIGUE OZORDI EN SESELWA I BEZWEN PEYE. ANNOU COME ON UNITED SEYCHELLES I DONN EN LANGAZMAN KI NOU POU REPEAL SA PROPOZISYON KOT EN SITWAYEN I BEZWEN PEYE POU AL SE LI.

SA KI MON PE DIR MON FRER EK SER I AL VER LAZISTIS SOSYAL E REDISTRIBISYON LARISES. PA PRAN TOU POU DONN SERTEN DALON EK ZANMI. MET LO FANM EK PITI POU DONN ZOT GRO TRANSPOR E APARTMAN. MALEREZMAN NOU PEI SA IN PERDI LAZISTIS SOSYAL ANBA LEADERSHIP MSYE RAMKALAWAN. ZIS GET SON PROGRAM LOZMAN KIN VIN EN KOSMAR E SA STATEMENT KI SON GOUVERNMAN IN FER PLIS POU DONN SESELWA LATER E LOZMAN I ZIS EN BAT LATET POU KASYET LEFE KI LAMAZORITE SESELWA OZORDI I DEZAPWENTE AVEK SA KI PE PASE.

SI MSYE FAURE PA TIN KONMANS 24/24 NOU DEMANDE KOTE MSYE RAMKALAWAN TI POU KAPAB AL KOUP RIBAN. SESELWA NOU BEZWEN FER FAS AVEK EN LAREALITE PENIB. LAMAZORITE ZOT KI TI OULE SANZMAN, ME SANZMAN PE TRANGLE NOU TOU. NOU TOU NOU PE GANNY KWI LO PTI DIFE E 2025 SI NOU PA RANVERS SA SITIASYON NOU PEI POU FOUTI. POR POU GANNY DONNEN E AIRPORT OSI POU NEPLI POU NOU.

NAPA OKENN DOUT NOU PEI I DAN BOKOU PROBLENM. LA DROG IN ANVAI NOU KOMINOTE, KRIMINALITE IN OGMANTE. MONN ZWENN EN MADANM LES MAMELLES KI DIR MWAN IN BEZWEN KOUP SON BANN PYE BANNANN TELMAN SITIASYON IN VIN ENSIORTAB, LI I PLANTE E EN LOT I VIN REKOLTE.

ZEDI PREZIDAN IN DEMANN TOU DIMOUNN POU ZWENN LI DAN SA LALIT KONT DROG E SIORT NOU LAFORS LORD EK LAPE. AN EFE DIMOUNN IN REMARKE KI MANYER IN GET NOU LO KOTE US AVEK EN PE KARAKTER LER IN FER SA STATEMENT.

OZORDI MON TI A KONTAN DIR LI PREMYERMAN SEL DIMOUNN KI ANNAN KONVERSASYON AVEK BANN DEALERS SE LI MENM, AKOZ IN ADMET SA AN PIBLIK. I OSI ANNAN EN LALIS TOU BANN DEALERS AKOZ LI FER KONVERSASYON AVEK ZOT MON SIPOZE. ALORS PRAN AKSYON E SI I I PA KAPAB SED LAPLAS E NOU A MONTRE LI KIMANYER EN GOUVERNMAN I TRAVAY.

DEZYENMAN LI KI PAR DERYER DEMANTIBIL TOU BANN LAZANS LETA KI TI PE LAGER KONT DROG, NDEA AKOZ BANN IRISH TI PE VOL NOU PEI ME ZISKA OZORDI MALGRE TOU SA LEVIDANS KI SWADIZAN ANNAN NARYEN PANN ARIVE AVEK SA BANN DIMOUNN KONKLIZYON SETE EN BAT LATET. ANB AKOZ BANN ZOFISYE KI TI SWADIZAN DAPRE MINIS FONSEKA KORONPI. FER MARTIR SA BANN ANSYEN ZOFISYE POU EN REZON KI ZIS SA LI KI KONNEN.

OZORDI, LAPOLIS I DEPASE PAR SA PROBLEM DROG, LENTERFERANS DIREK SORTI STATEHOUSE POU SERVI RESOURS LETA POU FER FAVER DALON PE SERYEZMAN AFEKTE ABILITE NOU LAFORS LAPOLIS POU KONBAT KONT DROG E KRIMINALITE. DAN PLAS SERVBI CID POU SPY EN ANTAGONIZ OU BANN OPONAN POLITIK LES SA BANN POLISYE AL FER ZOT LOUVRAZ. 2025 UNITED SEYCHELLES I DONN EN LANGANZMAN POU EN FWA POUR TOU ANMENN EN LAFEN AVEK LENTERFERANS DAN TRAVAY LAPOLIS.

OZORDI APDAR IN GANNY DEMANTIBILE E MINISTER LASANTE PE STRUGGLE POU FER FAS AVEK PROBLEM ADIKSYON. PREZIDAN I ENFORM NOU KI I PE AL FER SANT REABILITASYON SA I BYEN ME SI LI EK SON MAZORITE LDS PA TIN BLOK APDAR AN 2018 E 2019 LONTAN DR HERMINIE TI POUN MET AN PLAS EN VILAZ REABILITASYON. ZIS MAZINEN KI ZISTANS NOU TI POUN ARIVE OZORDI.

MR SPEAKER LETA OU NASYON OZORDI I KOUMSA AKOZ NOU ANNAN EN MSYE A LETET NOU PEI KI PA OULE EKOUTE E KI NAPA SA KONPETANS POU DIRIZ PEI. EN ZOUR I PREZIDAN, EN ZOUR I PE FER LANTERMAN LOT ZOUR NOU PE FER LANMES, EN ZONM I BEZWEN SWAZIR LEKEL MET KI I POU DESERVI.

PLIZYER DIMOUNN IN DEMANN AVEK MWAN POU KOZ LO LEFE KI PLIZYER KEKSOZ IN DESANN LO NOU PEI DEPI 2020. PLIZYER LANMOR DROL, AKSIDAN FATAL, DEZAS I FER OU MAZINEN SI I ANNAN KEK KEKSOZ KI PA PE MARSE LA. IN LER POU SESEL E SESELWA REGARD VER EN NOUVO DIRIZAN KI KAPAB PA ZIS LEAD ME GUIDE NOU PEI VER LE FITIR. LDS IN FATIGE ZOT IN FINI LES TONBE. SA ELIXIR POUVWAR IN SANZ ZOT SA KI TI FREEDOM FIGHTER OZORDI IN VIN OPRESSOR.

SEMENN PASE MENM MON TI DAN EN MEETING KOT SBC, E MON TI GANNY ENFORMEN KI BANN PROGRAMM PARTI POLITIK POU SORTI 13 MINIT POU VIN 6 MINIT E BANN PRESS RELEASE PE VIN EN PROBLEM POU PASE. I ANNAN EN SEL DIMOUNN KI PAR DERYER SA, EN SEL DIMOUNN KI OULE KONTROL E MANIPIL LAVWA LOPOZISYON SA SE MSYE RAMKALAWAN LIMENM.

IN SEY BAT LATET SON BANN SI PORTER EK DETWA SANZMAN DAN KONSTITISYON, RETIR LIMINITE POU FER PLEZIR SERTEN ZOT ME EKSI ZOT KONNEN KI SA PA VEDIR I POU RETROAKTIV? PLI ENPORTAN ESKI ZOT KONNEN LEKEL SANZMAN KI I PE KASYET POU DIR NOU I OULE FER, SA SE POU SANZ TERM EN PREZIDAN POU FER LI VIN SET DAN PLAS 5 AN.

LAZENES NOU PEI PE KONTINYEN DEMANN GOUVERNMAN POU ED ZOT E ROD INOVASYON POU POS ZOT DEVAN. SA STATEMENT KI SNYC KI PE FER SA PROGRAMM EK BANN ZENN PA KOREK SE PLITO EN LOT LENSTITISYON KI PE FER SA E ZOT PE STRUGGLE PETET DAN PLAS KREDI TRAVAY EN LOT DIMOUNN GOUVERNMAN I DEVRET ASISTE ZOT.

MINISTER LAZENES E SPOR I DAN EN PAKE PROBLEM, E RESAMAN IN RAS LEKER POU EKOUT NOU BANN ZWER VOLLEYBALL MADANM PE BEZWEN VIN LO MEDYA POU KONPLENT SIPOR POU ZOT AL KONPETISYON KLIB KAN POU NENPORT GOUVERNMAN SA TI DEVRET EN DONE DEAL. EN GOUVERNMAN UNITED SEYCHELLES TI POU KONSIDER SA EN LENVESTISMAN DAN SPORT.

MSYE RAMKALAWAN I DIR NOU KI LI EK SON GOUVERNMAN PA ENTERFER DAN SPORT, SELMAN SON MINIS I LO RIKORD POU DIR KI SETE LI PREZIDAN KI TI PRAN DESIZYON POU ANPES NAZER SIMON BACHMANN REPREZANT SESEL. POLITIK IN ANTRE PARTOU LA MON TANDE BANN DA PE ALPRANN FER CALENDAR OF ACTIVITIES, YER TI BANN PS KIN AL ABU DABI. COME ON LDS.

TOU SA BANN KEKSOZ I MONTRE NOU KI NOU PEI I DEFINITIVMAN PA OK E SEL REZON POU SA SE AKOZ NAPA KONPETANS LO NIVO LEADERSHIP DAN NOU PEI. LETA NOU NASYON PA KOREK. NOU ANNAN DEFI SERYE KI NOU BEZWEN ADRESE ME NOU NAPA DIRIZAN AVEK SA KAPASITE POU FER LI OZORDI STATE HOUSE. I PLITO PE KONSANTRE LO SIRPRIM KRITIK E MANIPIL LAVERITE POU DETRI SON BANN OPOANAN AN SERVAN BANN LENSTITISYON LETA. NOU PE VIV DAN EN PEI KOT KONSILTASYON AVEK PIBLIK IN VIN EN FARS, KOT LOPINYON EN SEL DIMOUNN KI KONTE. SE SA KARAKTER SA DIMOUNN KI NOU PE DEAL AVEK.

NOU TI DEVRET EN NASYON KI BOKOU PLI LWEN ME SA KAT LANNEN KIN PASE IN MET NOU EN BON PE RETAR. NOU GRADYELMAN AL VER EN DIKTATIR KALKILE E SESELWA FODRE NOU OUVRE NOU LIZYE E LE MOMAN IN ARIVE POU NOU PRAN EN LOT DIREKSYON. NOU PA KAPAB KONTINYEN AVEK EN DIRIZAN KI OU BEST FRIEND ZIS LER OU PONP LI ME LER OU DEZAGREE EK LI I POU FER TOU POU DETRI OU MENM ANMENN DISKORD DAN OU FANMIY. LAPREV I LA SA IN ARIVE AVEK PLIZYER KOLABORATER PROS SA MSYE, MR SPEAKER OU KONN SA TRE BYEN.

YER SWAR MONN GANNY ENFORMEN KI LA SESEL PE NEPLI AKSEPTE TRANSFER SORTI LARISI. ESKI SA I KOREK. SI WI ESKI GOUVERNMAN PA DEVRET VIN DEVAN E EKSPLIKE KI PE ARIVE. KI SA I VEDIR POU NOU LENDISTRI TOURIS KI DEPAN BOKOU LO TOURIS SORTI LARISI. ANKOR ENN FWA EN PATTERN KASYET LAVERITE.

I ANNAN EN SEL OPSYON DEVAN NOU. I ANNAN EN SEL PARTI KI KAPAB RETIR SA GOUVERNMAN E SON PREZIDAN KIN FINI DEKONEKTE AVEK BEZWEN SON PEP. I ANNAN EN SEL OPSYON POU REMET LA ZWA DE VIV DAN LEKER NOU ZANFAN, NOU BANN FANMIR NOU BANN KOMINOTE. I ANNAN EN SEL OPSYON POU SESEL REGANNY SON DIGNITE LO LASENN ENTERNASYONAL. I ANNAN EN SEL OPSYON POU ANMENN LAZISTIS SOSYAL DAN NOU PEI. I ANNAN EN SEL OPSYON POU FER SA KI PLI BYEN POU SESEL.

MR SPEAKER:

UNITED SEYCHELLES I SEL OPSYON POU SESEL.

MERSI